

# KEZKAK USTU

- 1.—*Jauna, espetxean egondakoa naz, eta neuri kalte egin daustenen bat aitatu-eta esan be egiten dot: "Jesus gurutze-an geugaitik ezpalegok, garbituko neukezak danak". Jesusegaz gogoratu, pekatu egin ete dotan bildurrez nago. Zer deritxo? — Orretan, ez dozu pekaturik egin. Odola biztuteak gizona zarala esan gura dau, irañak mindu zaituala. Ta Jesukristo gaitik lagun urkoari kalterik gura ez egitea-ta, irabaziak, merituak dozuz. Eta Jesukristo gaitik euren onerako zerbait egiten ba'dozu, obeto.*
- 2.—*Purgatorioko arimen maitale naz. Gurutzbide bakotxeko parkamen osoa irubazten dala-ta, albait goien egin gura neunkez. Zer da bear-bearrezko?—Iru gauza: 1) pekatu astunik ez eukitea; 2) Pasiñoko Jesus'en egikizunen bat pentsauaz, ortarako ipiñita dagozan gurutzeen aurretik igarotea; 3) Aita Santuaren asmoetarako eskatutea. Lagun askoren artean egiten danean, naikoa da, esaterako, aurretik errezatzen dananak gurutzeak igarotea ta besteak dagozan lekuan jazokun edo estaziño haketxean zutundutea.*
- 3.—*Errosarioa egunero errezatzeko diñauast amak. Baiña nire buruan lekurik ez letaniak sartzeko. Zer egin?—Atletik eta enparauen izenak aitzu ta naiko lekurik eukiko dozu letaniak ikasteko. Onan be jakin egizu errosarioa errosario izateko zer bear dan: 1) ezkutapenak gogoratu; 2) Aita gure bat eta amar Agur Mari errezau ezkutapen bakotxeko. Onelan bost gertaera edo misterio esan eta kitu; errosarioa esanda dago. Ondo da letanik eta beste aurreko ototzak esatea, baiña ez dira bearrezkoak.*
- 4.—*Erroma'n ikasteak eginda, etorri yatan seme karmeldarrak Aita Santuak bedeinkatutako errosarioak ekarri dautaz. Parkamen askoz aberastuta dagoz, Gurean baiña, sekulebedarra ebagiten ez ba'da, galtzerdiak-edo konpontzen ibilli bear. Zer egin errosario onen parkapenak irabazteko?—Errosario on ori*

aldean eroan eta deboziñoz errezau. Eskuak bearrez-edo lotuta dagozanean, errosario garauak agurmariko erabilli bearrik ez dago; aldean eroanaz, dauzan parkapenak irabazten dira, beste baldintzak bete ezkeru.

- 5.—*Andra barritsua ñe ba-naz. Osterantzean be errosarioa jarraian esateko estu ibiltzen naz. Umeak dirala, lagunena bat dautortzula... Ta bat baiño geiago errezau gura neukez egunaro. Zelan arteztu gauzak?—Eba'ren alabatxu, arteztu leiken gauzea dozu ori. Begira, errosarioa errosario izateko, ez da bearrezko dana jarraien esatea. Misterio bakotxa, au da, Aitagure bakotxeko amar Agur Mari, hai eten barik esan bear dira; batetik bestera, luzeroan esan barik ez itxi. Misterio batetik bestera, egun barruan izan ezkeru, bardin dautso onenbeste edo arenbeste aldi izan arren.*

## GIZONA TA ASTOA

Gizona astoarekin itundu ei zan  
Egun batean,  
Bakoitzak besteari erakus naiez  
Berba legean.  
Astoa ekin t'ekin aritu arren  
Aldi luzean,  
Tautik ikasi gabe sartu omen zan  
Bere ukuluan.  
Gizonak, berriz, arin ikasi zuan  
Asto-arrantza,  
Onekin arturikan, igarri barik,  
Aberre antza.

### ONDORENA

Kirten batekin autuz ekin ezkeru  
Sarri askotan,  
Gizonik argienak artu daroe  
Kirten abotsa.

*Arrugain*